

蒙兀兒史記

結一宦主人自題

拾

紐璘速哥也罕的斤石抹按只列傳第四十七

蒙兀兒史記卷第六十五

武進屠 寄簪

紐璘失主兀互氏

舊作珊竹帶

祖孛羅帶成吉思宿衛從幹歌互汗平金

父太荅兒從蒙格汗潛邸征阿速乞卜察兀等國有功及汗卽位

拜都元帥委以征蜀之任歲壬子帥陝西西海

青海卽

鞏昌諸軍與

總帥汪德臣入蜀明年立利州又明年攻礪門黎雅等城又明年

戰重慶獲宋都統制張實是歲卒紐璘偉貌長身鷲勇有權略常

從父軍中其善戰爲諸宿將所服歲丁巳蒙格汗命將萬人自利

州略地下白水過大獲山出梁山直抵夔門戊午還師過合州欲

會都元帥阿荅胡於成都宋制置使蒲擇之遣安撫劉整都統制

段元珪帥師扼遂寧箭灘渡紐璘不得進大戰竟日斬馘二千七

百餘級遂長驅至成都事聞賜金帛勞之蒲擇之復命其將楊大

淵等守劍門及靈泉山自將重兵取成都會阿荅胡卒諸王阿不

千

台撒兒之孫
禿忽之子

與諸將脫林帶等謀曰。宋師日逼。聞我帥死。必悉衆來

攻我軍去。行在遠。必待上命。建元帥然後迎敵。勢恐無及。不若推
紐璘爲長。以司號令。出彼不意。敵可破也。衆然之。遂推行元帥事。
帥衆大敗宋軍於靈泉山。追斬其將韓勇。擇之以軍退。紐璘與部
將拜延八都魯進圍雲頂山城。扼敵歸路。宋統制姚德遂以衆降。
城中食盡。亦殺守將。啟關送款。於是成都及彭漢懷縣等州不戰
而下。軍聲所至。威茂諸番亦來附。紐璘奉金銀竹箭銀鞘刀。遣速
哥獻捷。時汗南伐行在自東勝渡河。詔卽軍中真拜紐璘都元帥。
仍賜黃金五十兩。是年冬。車駕入蜀。次大獲山。敕紐璘出師遙爲
聲援。東鎖重慶江。以絕吳蜀之路。時全軍才二萬。紐璘分五千人
授拜延八都魯。畱守成都。自將步騎萬五千人。號五萬。戰船二百
艘。自成都啟行。水陸並進。遣降將張威以五百人陸行爲前鋒。攻
簡州。縛橋資州口。濟師。千戶暗都刺帥舟師出馬湖江。蒲擇之間
之懼。命將分道要遮。遇輒敗退。紐璘至涪州。造浮橋江上。駐軍兩

岸杜宋下游援師聞北來大軍多威瘡癘遣使進牛犬豕各萬頭
爲饗明年春朝行在所汗勞遣之還與思播二州土司兵戰獲其
將一人宋將呂文德以勅兵攻涪浮橋時值暑雨在軍士屬不耐
水土多病死紐璘私憂之而密旨督戰甚急不得已縱兵與文德
戰獲其將二人斬之會蒙格汗宴駕合州紐璘班師文德來追僅
而卻之中統元年忽必烈汗卽位開平阿里不哥亦稱號漠北紐
璘正觀望間而汗使至乃入朝賜新虎符及黃金五十兩白金二
千五百兩馬二匹還鎮遣梁載立招降黎雅碉門巖州偏林關諸
蠻得漢番二萬餘戶未幾詔速哥分西川兵及陝西諸軍屬紐璘
鎮秦鞏唐兀之地三年宋將劉整以瀘州降呂文德圍之當在俞興
圍瀘之後詔以兵往援文德走遂徙瀘民於成都潼川紐璘以劉整之降功
不在已且忌整漢人受新寵逾分事事阻撓之整忿愬之朝四年
有詔逮紐璘至上都按問久之始釋還次昌平卒於道不詳其年壽以
趙良弼傳年少

爲勇一語觀之卒年
始不足四十歲也

紐璘盛年喜立功名輕去就

見趙良
弼傳

當阿里不哥爭立

之際朝士本疑議及之。而其部奧魯官果有舉兵欲應渾都海者。幸爲斷事官八春發覺捕獲其黨。破其陰謀。方事之殷。宣撫廉希憲欲安反側。未深究也。忽必烈汗知之。雖一時仍加委任。而心終疑之。及是以劉整之愬。遂解其兵柄。紐璘志氣方雄。頓遭挫折。不勝其憤。抑抑以死。後追封蜀國公。諡忠武子也。速答兒智勇類其父。父卒時。年尙幼。至元十一年。以功臣子入覲。忽必烈汗以屬行樞密院火都赤使習兵事。從圍嘉定。以三千人至三龜九頂山。相形勢。賊宋安撫咎萬壽兵斬首五百級。以功賜虎符。授六翼答魯合臣。未幾咎萬壽遂以嘉定城及三龜九頂紫雲諸砦降也。速答兒又從西川行樞密副使忽敦師師二萬徇東川。諸城望風款附。遂會東川行樞密合答軍圍重慶。久之師潰。是年八月。汗以前書丞相不花代忽敦行西川樞密院事。十五年正月。不花以兵萬餘復薄重慶也。速答兒帥二十餘騎叩城挑戰。宋都統趙安驍將也。開門應之也。速答兒與之格鬪。三入其陳。再挾猛士以出。敵衆氣

奪大軍乘之斬首五百餘級趙安度不支密送款夜啟關納北軍

其制置使張玘跨舟遁追至涪禽之捷聞賜玉帶鈔五千貫授西

川蒙兀軍馬六翼兼新附軍招討使尋遷四川西道宣慰使都元

帥十七年詔以四川兵會雲南湖南兵

湖南舊傳作江南形近之誤

討羅施鬼及亦

奚不辭蠻先遣呂告蠻安撫王阿濟

呂告似老
搆異譯

同萬戶皆坤招羅施

鬼

皆坤萬壽之子

其酋阿榨及阿里使部人阿麻阿懷詣宣慰司自陳無它

志安西王相李德輝遣人偕以入覲唯亦奚不辭抗命也速荅兒

分兵二道攻會靈關亦奚不辭遣將阿侯先鋒來拒也速荅兒馳

入其軍挾阿侯出斬之亦奚不辭懼乞降命其從子入朝也速荅

兒還軍成都命部將藥刺海畱兵戍之亦奚不辭蠻窮困二十年

籍所部五萬餘戶降遂立亦奚不辭宣慰司也速荅兒以功拜四

川等處行中書省右丞加賜金帛鞍轡會獨山都掌蠻不聽招撫

詔領軍討之禽其酋得蘭紐改拜四川行樞密院副使是年冬烏

蒙蠻陰連都掌蠻叛以兵會雲南行院拜荅兒進討也速荅兒復

禽烏蒙酋。汗賜玉帶織金服。改蒙兀軍萬戶。復賜銀鼠裘。移鎮唐兀之地。進同知四川行樞密院事。仍居鎮鐵穆耳汗卽位。拜四川行中書省平章政事。海山汗朝調雲南行省。加左丞相。仍行平章事。南征叛蠻感瘴毒。還成都卒。長子囊加台。囊舊作南依本紀改四川行省平章政事。孫荅失八都魯。四川行省左丞相。曾孫孛羅帖木兒。中書右丞相。皆自有傳。囊加台之弟拜延。四川行省左丞。拜延弟不花台。陝西蒙兀軍都元帥。也速荅兒之弟。八剌襲蒙兀軍都萬戶。紐璘部將拜延八都魯。火奪都。探馬赤。石抹按只。皆見左方拜延八都魯。札剌亦兒台氏。舊音赤兒二音幼事成吉思。以勇敢。賜號八都魯。歲乙未。幹歌歹汗命領其本族軍一千六百人。與塔海紺孛同伐宋。出秦鞏入蜀。有功。癸丑。蒙格汗命與總帥汪德臣立利州城。甲寅。破宋軍於紫金山。拔鹿角寨。奪其饗械。丁巳。從都元帥紐璘城成都雲頂山之役。拜延功多。戊午。紐璘出師於涪。以拜延宿將。命畱守成都。降諸屬縣。得其民。悉撫安之。賜黃金五十兩。衣九襲。諸王

合丹

句乃歡疑即古余克汗子惱忽蒙格汗即位之初雖被禁錮後乃命其攻取邊城受辛苦者

脫脫

古余克汗弟哈刺察兒之子

等征大理

還拜延奉命領兵迎之道過新津寨與宋潘都統遇戰敗之中統

二年紐璘上其功授蒙兀奧魯官

奧魯滿洲語牛衆異文漢言佐領

至元六年拜延告老

以子外貌台前卒命孫兀渾察代領其軍兀渾察後從行省也速

帶兒征諸蠻

此也速帶兒非紐璘子帶舊作蒼藍紐璘子同名不詳其氏族

十六年又從大軍征叛王篤哇

黨於兀丹

舊作幹端校從西北地增錄

竝以功受賞二十一年諸王出伯命爲游擊

軍往邏乞思合兒之地

舊作乞失哈里亦校從增錄

遇敵二千餘騎兀渾察以驍騎

五十與戰禽其將也班胡火者以獻出伯壯之以其功間賞銀六

百兩鈔四千五百貫授蒙兀軍萬戶賜三珠虎符三十年卒次子

某襲授曲先塔林左副元帥尋卒弟塔海忽都襲陞都元帥階鎮

國上將軍改授四川蒙兀軍副都萬戶至治二年乞疾子孛羅帖

木兒襲

火奪都

名義福慶有異文可作忽都禿

西夏人以質子侍成吉思充唐兀禿

魯花軍百戶幹歌互汗朝從大軍入蜀

蓋從闕端太子

蒙格汗朝都元帥紐

璘承制以爲千戶從征西川中統初渾都海叛軍敗走臨洮

渾都海舊作忽

都他傳或作火都始亦疑與叛於六盤山之渾
都海為兩人近乃知其實一辨詳按竺邇傳法

火奪都帥所部從總帥汪惟正追

討之卒子拜延襲至元九年制授拜延征行千戶佩金符明年宋

安撫使咎萬壽自嘉定襲破成都郭僉省嚴忠範與拜延退保子

城果如舊傳云大賊之
成都外城何至陷落

既而從行省也速帶兒

非紐

攻嘉定又從行院忽敦

取瀘敘攻重慶數有功十二年行院承制以為東西兩川蒙兀漢

軍萬戶

蓋萬戶府之監
戰若魯合臣

汪惟正之襲忠州也

汪惟正舊傳誤
作總帥汪田哥

命拜延將兵二

千攻涪州策應之宋人伺惟正回以舟師要之清江

台州遂寧間
之古渠水

拜

延馳援禽敵裨將李春等十七人獲其軍貲焚其戰艦十三年瀘

州復叛拜延奉行院檄帥所部趨瀘之珍珠堡敗其將王世昌掠

人畜移兵戍暗溪砦宋合州遣兵援瀘迎擊敗之遂復瀘行院不

花進軍圍重慶使拜延別將為遊擊隊邏獲大良平李立所遣間

謀四人鞠之得敵虛實十五年重慶遂降制授宣武將軍蒙兀漢

軍總管十九年從汪惟正入見

此時惟正為秦蜀行省左丞分省成
都舊傳此處仍誤稱總帥汪田哥

進階懷遠

大將軍管軍萬戶改賜金虎符卒子荅察兒嗣授明威將軍興元

金州萬戶府荅魯合臣

探馬赤朵兒別台氏

舊作禿立不帶

從塔海紺孛

豁兒赤

塔海征蜀在幹歌互汗朝其時末哥未主軍

征蜀後又以兵從親王末哥

末哥舊作末赤依世系表校改

及

都元帥紐璘歲己未

舊紀誤作戊午

紐璘自涪還馬湖江宋人連艦絕江不

得進探馬赤帥精兵二千擊之奪舟以濟又於橫江嘉定宣化三

縣造浮橋以達成都紐璘以爲能命將千人從萬戶昔力荅略地

碉門黎雅吐蕃昔力荅死行院帖赤

塔塔兒互氏

以探馬赤權萬戶領其

軍中統四年眞拜蒙兀漢軍萬戶至元九年從行省也速帶兒征

建都

非紐璘子是時紐璘子也速答兒尙幼後二年始入見忽必烈汗

獨以銳卒千五百與蠻兵戰於梅子嶺

大敗之入夜復會速哥直擣敵營斬首數十級生禽百餘人獲其

輜重復益兵三千與行省左丞曲立吉思乘勝進擊建都勢蹙請

降乃班師又從行院汪惟正忽敦攻嘉定瀘敘重慶諸府州以功

兼崇慶府荅魯合臣十九年卒子拜延襲蒙兀軍萬戶

速哥蒙兀人不詳其氏族父忽魯忽兒國王木合黎麾下卒也後

更隸塔海帖哥爲人辯有口佩銀符奏事軍中往反未嘗失期幹

歌互汗器之賜名動哥居。敕動哥居奏事。朝至朝入奏。夕至夕入奏。賜以宮女。且賚金盤龍袍。蒙格汗朝卒官。速哥壯勇。歲甲寅。蒙格汗命從鐵里哥豁兒赤等塔塔兒氏至元中江潮左丞相忙兀台之父舊傳作帖哥火魯赤伐蜀。乙卯。萬戶

劉七哥

疑是劉黑馬當時通稱

阿魯刺阿力

阿力其名阿魯刺其氏世系不詳

與宋師戰巴州失利。

陷敵。速哥馳入敵軍。奪之以歸。以功賜白金五十兩。馬二匹。紫羅

圈甲一注。又從都元帥紐璘敗宋將姚德

舊誤作劉整

下雲頂山城。紐璘

受詔出軍涪州。後期遣速哥至大獲山行在所。陳道梗失期之故。

汗慰遣之。未幾復自涪奏事。遇宋軍於三曹山。速哥衆僅百餘。疾

擊敗之。已未。宋軍攻涪浮橋。裨將火尼赤陷陳。速哥力戰出之。又

以白事親王末哥所

末哥舊作穆哥

重經三曹山。復敗宋軍。還至石羊。與劉

整遇。亦未爲所遏。忽必烈汗卽位。賜白金弓刀鞍勒。中統二年。賜

銀符。命仍隸紐璘軍。至元二年。四川行省命招集降民。得三千餘

人。俾領之。三年。從行院帖赤戰九頂山。四年。行省也速帶兒署爲

本軍總管。從取瀘州。五年。立德州。

元史地志四川省無德州。有懷德府。注云闕而所領來寧柔遠西陽服四州。注云皆闕。它三州

不可考而西陽則至今未改名
可略知懷德府地望所在矣

以爲荅魯合臣尋擢陝西五路四川行省左右
司員外郎從也速帶兒入朝七年從敗宋軍於馬湖江用平章賽
典赤薦遷行尙書省員外郎九年建都蠻叛西平王奧魯赤及也
速帶兒討之速哥將千人爲先鋒破黎州水尾砦進克連雲關軍
至建都戰於東山斬其酋布庫復與元帥八兒禿迎合刺章軍於
不魯斯河十年討碉門諸蠻襲破連環城還敗宋軍於七盤山權
新軍萬戶十一年賜虎符眞拜管軍萬戶領成都高哇哥等六翼
及京兆新軍教習水戰也速帶兒進圍嘉定速哥帥舟師會之平
康築懷遠等砦十二年敗宋安撫咎萬壽於麻平已而行院副樞
忽敦等軍繼至與也速帶兒會於紅崖以上所謂也速帶兒非紐璘子遣速哥守龍壩
城中大震宋陳都統鮮于團練帥舟師遁速哥追擊溺死無算咎
萬壽遂以嘉定降速哥與中使沈荅罕順流徇下紫雲瀘敘諸城
砦進薄重慶速哥以所部鎮白水馬湖江口十三年忽必烈汗遣
脫朮句教化的持詔諭重慶守臣張萬不聽乃分兵五道水陸進

攻諸軍皆不利。唯速哥獲戰艦三十艘，俘敵百三十人。涪州觀察使陽立子嗣榮遺書請降，詔招諭其父。速哥帥千人往察情偽，至涪立果降，遂入其城。張萬自重慶來襲，速哥一晝夜與戰十八合，斬首三百餘級。萬奔走，未幾復以精兵三千來攻，又戰敗之。十四年，行院署爲鎮守萬戶嘉定總管府荅魯合臣。時瀘州復叛，速哥從萬戶禿滿荅兒郝札刺不花攻克之。舊紀繫此役於十五年正月丙午，乃安西王相府奏報之年月日也。十五年正月，宋都統趙安以重慶降，制置使張珪遁，速哥追敗之，虜百餘人及其舟二十艘。東川平，論前後功，授成都水軍萬戶。尋改重慶夔府等路宣撫招討兩司荅魯合臣。十六年，除四川南道宣慰使，依前成都水軍萬戶鎮守重慶夔施黔忠萬雲涪瀘等州。十九年，亦奚不辭叛，置順元等路軍民宣慰司，以速哥爲宣慰使，經略諸蠻。二十四年，遷河東陝西等路萬戶府荅魯合臣。播州宣撫楊漢英等赴闕請畱之，招降八番金竹百餘砦，得戶三萬四千，悉以其地爲郡縣，置順元路金竹府貴州以統之。東連九溪十八洞。

南至交趾西至雲南咸受節制二十九年入朝加都元帥改河東陝西等處萬戶府答魯合臣三十一年僉書四川行樞密院事詔開吐蕃道吐蕃叛以兵圍茂州速哥帥師敗之元貞元年行院罷速哥家居數歲卒子壽不赤襲河東陝西等處答魯合臣

也罕的斤合兒魯兀氏

舊作厘刺魯

歲己卯成吉思親征西域師至西遼

故地其祖匣答兒以幹思堅國合兒魯軍三千人迎降

幹思堅即西北地附錄之訛跡

刊舊時西遼屬國此時屬乃蠻

獻馬牛羊萬計以千戶隸四太子拖雷麾下從渡阿梅

河西

舊傳但稱河西讀者將誤為西夏然甲戌征西夏時者別已前死而傳以肅宗與折別兒並舉故知為阿梅河西

與者別那顏諭降呼羅

珊等處城邑師還又從征西夏攻臨洮死焉父密里火者從幹歌

互汗平金又從蒙格汗攻蜀歲己未汗宴駕合州行在王大臣奉

梓宮北還畱密里火者為萬戶府答魯合臣戍成都以備宋忽必

烈汗即位先朝大將渾都海舉兵六盤山私約戍蜀諸將同應阿

里不哥密里火者持兩端時廉希憲為京兆宣撫使矯詔遣都萬

戶劉黑馬往出不意劫殺之事後其家訟希憲擅殺忽必烈汗閔

匣荅兒死王事密里火者謀反無顯狀以嫌疑受誅中統二年命也罕的斤襲千戶領父軍然亦不舉希憲也罕的斤既領軍西川數有戰功迭下五花石城白馬等砦至元七年宋將咎萬壽潛師襲陷成都嚴忠範退保子城也罕的斤以四百人與之相持凡四日宋兵退也罕的斤追敗諸眉州以功拜蒙兀合兒魯河西漢軍萬戶就命成眉從行省圍嘉定與速哥同築懷遠砦抗其要害屢卻宋兵十二年入朝賜對衣束帶白金百兩加昭勇大將軍上萬戶益將萬人會東川行院軍圍重慶盡督馬湖江兩岸水陸軍馬既而兩行院將帥不和圍城師潰瀘亦反爲宋十四年從圍瀘也罕的斤以所部攻神臂門先登拔之十五年復從西川行院不花攻重慶屯佛圖關屢戰有功移屯堡子頭重慶守將趙安開門降也罕的斤更帥所部略地思州降土司田景賢等進階昭毅大將軍授嘉定軍民萬戶西川諸蠻夷宣撫司荅魯合臣增新埽戶萬餘尋進奉國上將軍四川西道宣慰使都元帥

舊脫西道二字

十七年調其

軍北征叛王篤哇黨於兀丹

舊作幹端校從西北地增錄

師還改拜雲南行省參知

政事二十一年與右丞太卜諸王相吾荅兒分道征緬造舟二百

艘於阿昔阿禾兩江進拔江頭城命都元帥袁世安將所部畱戍

之且圖其地形以獻當江頭城之破也遣黑的兒楊林等諭緬使

降不報羣蠻蟻聚建都太公城謀抗官軍以緬人信佛復遣一僧

往諭以禍福反爲所殺遂督兵水陸竝進擊破之於是建都金齒

等十二城悉下命都元帥合帶萬戶兀都蠻等

元舊誤作不

以兵五千戍

之二十八年改拜四川行樞密院副使既而改陝西行中書省右

丞大德間告老卽家西安至大初海山汗以也罕的斤先朝舊臣

特命爲陝西行中書省議事平章

蓋食右丞奉不署事范文虎李庭玉竝受此等優遇

卒子二火尼

赤的斤雲南都元帥也速沙蒙兀軍萬戶旦只兒塔塔兒歹氏

舊作荅

至元七年從敗宋軍馬湖江

所從者非行省也速帶兒卽也罕的斤其官疑是百戶

斬首百餘級

九年從征建都十一年從戰夾江又從下瀘敘諸州進圍重慶敗

宋將張萬瀘州復叛旦只兒將所部據紅米灣敗宋兵進至安樂

山又敗之。獲戰艦四。宋人要我糧運。擊走之。遂破石槃寨。十四年。從諸軍進拔瀘州。聞張萬出兵重慶。援合州。旦只兒以銳卒千人。要擊之。龍坎萬引卻。積功佩銀符。管軍千戶。蓋隸也。累的斤萬戶府下。十七年。從也

罕的斤征兀丹。還以所部屯田甘州。換金符。陞總管。十九年。從諸

王合班一作合宿

元帥忙古帶再征兀丹。與叛王兀盧等戰。劉恩傳之玉倫亦撒即兀盧兀盧爲玉倫

之異譯舊作元盧形近之誤

勝之。明年。海都遣其黨八巴大王以三萬人來援。八巴王關堅太

子之

諸軍潰。旦只兒獨破其衆五百。拔亡卒二千餘以出。進副萬戶。

還戍長寧軍。宋好止寨以兵來襲。擊走之。二十六年。換佩虎符。拜

信武將軍。平陽等路萬戶府荅魯合臣卒。子建都不花襲

石抹按只。契丹人世居太原。父大家奴。師漢軍五百人歸成吉思。

歲戊午。按只代領其軍。從都元帥紐璘攻成都。別將所部敗宋軍。

於靈泉。斬其都統韓勇。又從都元帥按敦攻瀘。領戰艦七十艘至

馬湖江。

似當時嘉定敘州以下至瀘州之江均稱馬湖江與今異

宋人先以五百艘扼江渡。按只擊敗之。

時沿江橋梁爲宋所徹。按只相地形造浮橋濟師。宋欲撓其役。兵